

GILBERT KOCK CUMPLIENDO 50 AÑA COMO TAXISTA

ORANJESTAD (AAN)-- Na un edad hopi hoben Gilberto Kock a cuminsa recore Aruba como taxista. Tabata un epoca completamente diferente na awendia, unda turismo ainda no tabata e pilar di Aruba su economia.

E temponan aña, papiando di aña 1948 apenas tabata tin como diez taxi pa duna e servicio di transporte aki, y como den nos comunidad no tabata tin tanto auto, manera awendia, nos mesun hendenan tabata usa servicio di taxi.


Sr. Kock ta un di e taxistanan mas antiguo di Aruba, y segun su coleganan a bisa DIARIO aunke e merece, nunca a yega di haya ningun sorto di reconocimiento, ni un simple plaqueette di Oficina di Turismo of otro instancia, pa su trabao valioso, cu te awe cu tur e cambionan cu Aruba a conoce ta sigui haci cu e me-

sun dedicacion, cabayerosidad y entusiasmo.

Gilberto Kock ta conoci popularmente como "Taxi-14". Ademas di e palabranan di felicitacion di su coleganan DIARIO tambe ta extende su persona un caluroso pabien pa su añanan di servicio den un sector cu cada dia ta bira mas competitivo.

El a cuminsa den tempo cu e competencia tabata entre como diez taxi. Awor aki e tin cu competi cu mas of menos 400. Pues un diferencia grandi, pero a base di su experiencia, perseverancia, bon manera y respet gana no solamente di su clientenan pero door di su mesun coleganan, e por sigui lucha den e tereno aki.

No ta un mal idea si D.O.P.V lo bin cu un bunita gesto pa Sr. Kock, algo cu sigur lo ta masha na su lugar!



Ganadornan di campaña di mundial di Prosalco



ORANJESTAD (AAN): E ganadornan di e Campaña di Mundial Francia 98 a bira conoci. DIARIO tabata presente na Prosalco NV den Olijfstraat.

E ganadornan ta como lo siguiente: D. Maduro di Wayaca 13. Fania P.F. Arends di Primavera 2-A. Tambe tin Franco Henriquez di Palm Beach 136-A. Otro ganador ta Carmen Loeffstop di Rondweg 93.

Otro ganador ta Georgina Kock di Bernadestraat 15. Tambe tin Germaine Koolman di Catiri 23. Sue-Lan Liao-Jen di WSP 60-A. Olga Tromp di Hooiberg 61-C.

Gloria Patricia Nieto di Alto Vista 113. Sergio Simon Semeler di Duartestraat 7. Jairzinho J.A. Croes di Spaans Lagoenweg 55.

Tambe tin Daniel Julian di Sero Janchi 18. Emile Minguel di Caya Frere Eugene 5. Francis Bergrok di Monserat 6. Rafael Wever di Caya Frere Alexius 29. Zahir Hernandez di Tanki Leendert 78-B.

Otro ganadornan ta Sandra Paesch di Weg Fontein 89-A. Joanne Maduro di Tanki Flip 29. Rahid Tromp di Siribana 12. Finalmente tin E. Tromp di Betonicastraat 17.

Grupo voluntario ta verf y drecha Centro Kibrahacha



ORANJESTAD (AAN) -- Cuminzando dialuna di e siman aki y cu intencion di caba diabierna venidero (y hasta posiblemente prome cu esey) e grupo di empleado voluntario di Radisson Hotel y Masquerade Casino, a uni forza pa verf y drecha e edificio di Centro Kibrahacha. E

centro mes a aporta e bleknan di verf y e voluntarionan e "obra di man".

Ora nan trabao aki keda cla nan lo sigui pa otro institucion, y asina te cubri tur loke tin riba lista di spera. E idea ta pa cumpli cu e servicio comunitario aki te Luna di September.

E grupo aki ta encabeza pa Sres. Albert Tromp di e hotel y Steve Wing di e casino.

Riba potret por observa nan cu e hermentnan necesario na man, y cu un smile contento ya cu colabora cu nan den trabaonan asina ta un satisfaccion grandi como bon ciudadano.